

جریده عدلیہ

۲۰ شعبان ۱۳۲۱

۱۷ جمادی الآخر ۱۳۲۲ ۲۰ نیشان ۱۳۲۱

نومرو ۱۳۵

بازار ایرتسی

قائم شدہ

نوبہرات عدلیہ

جسرا رکھ بدایت محکمہ سی حا ملککنہ سینوب بدایت محکمہ سی جزا ریشی حسن محی الدین و بولی بہ تابع ارکلی بدایت محکمہ سی ریاستہ ملغا قرہ مان قضا بدایت محکمہ سی ریاستدن آچقہدہ قالان صالح صلاح الدین و مجدداً تشکیل ایدیان شهر بازار بدایت محکمہ سی مدعی عمومیلکنہ مکتب حقوق مآذونلرندن مرسین بدایت محکمہ سی کاتب عدللکنندن مستعفی محمد امین و وان ولایتی مرکز بدایت محکمہ سی اعضالغہ قرہ حصار شرقی بدایت محکمہ سی اعضای سابقہ سندن حسین جال و بولانق بدایت محکمہ سی مدعی عمومیلکنہ طوقاق بدایت محکمہ سی مستطقی مکتب حقوق علی الاعلی درجہ مآذونلرندن صالح فوزی و پرواری بدایت محکمہ سی مدعی عمومیلکنہ چپاقچور بدایت محکمہ سی مستطقی مکتب مذکور دن علی الاعلی درجہدہ مآذون حسین صبری و قرہ حصار شرقی بدایت محکمہ سی اعضا سندن خسروف افدینک عزلیلہ یرینہ حصنمنصور بدایت محکمہ سی مدعی عمومیس علی کمال الدین و حصنمنصور بدایت محکمہ سی مدعی عمومیلکنہ تحویلنہ لزوم کوریان اچہ طاغ بدایت محکمہ سی مدعی عمومیس محمد شمس الدین و اچہ طاغ بدایت محکمہ سی مدعی عمومیلکنہ مکتب حقوق اعلی درجہ مآذونلرندن محمد حق و محمودی بدایت محکمہ سی مدعی عمومیلکنہ اسپر بدایت محکمہ سی مستطقی مکتب مذکور دن علی الاعلی درجہدہ مآذون حمدی و دیاربکر مرکز بدایت

محكمة سي سر مستنطق عمر لطفي افنديك طلي وجهله تقاعده سوقيه يرينه ترفيعاً توقاد بدايت محكمه سي
مستنطق حسين عوني و توقاد بدايت محكمه سي مستنطقلكنه شيله بدايت محكمه سي مستنطق محمد خالص
و حص بدايت محكمه سي مستنطقلكنه عجولن بدايت محكمه سي مستنطق احمد نسيب و طريزون بدايت
محكمه سي اعضاملازملكنه پره پول بدايت محكمه سي اعضا سابقه سندن بكر رحى و مرسين بدايت محكمه سي
اعضا ملازملكنه زيخه بدايت محكمه سي اعضا سابقه سندن حمدى و آتته بدايت محكمه سي مستنطقلكنه
جبل بركت بدايت محكمه سي مستنطق سابقى ابراهيم صدق افنديلر نقل و تعيين اولمش و قسطنونى مركز
بدايت محكمه سي سر مستنطق اسماعيل جميل افندى ايله انقره مركز بدايت محكمه سي سر مستنطق ايوب
صبرى و نيكدده بدايت محكمه سي اعضاملازى حسن حامى افندى ايله اسپارته بدايت محكمه سي اعضا ملازى
محمد توفيق افنديلر بجايشلرى اجرا و اسكيشلر لوا بدايت محكمه سي اعضا ملازى محمد كاظم افنديك
كوتاهيه معاملات استنطاقيه سنى رؤيته ماذونيت اعطا و بصره غنائم بحريه محكمه سي اعضائى علاوة مأموريت
اوله رق بصره استيناف محكمه سي اعضا ملازملرندن احمد هادى افندى عهده سنه و منحل اولان پاسينلر
وخيزان و مديات و نصيبين بدايت محاكمى رياستلى و ظائى محلى قاضيلرى عهده لرينه تفويض قلمشدر .
بواراده سنيه نك اجراسنه عدليه ناظرى مأموردر .

٢٩ جادى الاولى ١٣٣٣ ١ نيسان ١٣٣١

محمد رشاد

عدليه ناظرى
ابراهيم
صدر اعظم
محمد سعيد

* *

نونيه استيناف محكمه سي مدعى عموميلكنه سيواس استيناف محكمه سي مدعى عموميسى محمود حمدى
و معمورة العزيز استيناف محكمه سي مدعى عموميلكنه ارضروم استيناف محكمه سي مدعى عموميسى على طه
و ارضروم استيناف محكمه سي مدعى عموميلكنه معمورة العزيز استيناف محكمه سي مدعى عموميسى محمد عارف
و وان مركز بدايت محكمه سي حقوق دائره سي رياسته معمورة العزيز بدايت محكمه سي رئيسى محمد توفيق و معمورة العزيز
بدايت محكمه سي رياسته ديار بكر عدليه مفتشى عثمان رمزى بك و افنديلر نقل و تعيين اولمشدر .
بواراده سنيه نك اجراسنه عدليه ناظرى مأموردر .

٢٩ جادى الاولى ١٣٣٣ ١ نيسان ١٣٣١

محمد رشاد

عدليه ناظرى
ابراهيم
صدر اعظم
محمد سعيد

قانونه و نظامات

١٧ صفر ١٣٣١ تاريخلى صالح حاكملى قانون موقتك ٤٠ نجى ماده سيله اذى الحجه ١٣٣١

تاريخلى ٦٦ نجى ماده مصححه سنى معدل قانون موقت

ماده : ١ صالح قانونك ٤٠ نجى ماده سي بوجه آتى تعديل ايدلمشدر :
« بر مصلحت قرار قطعى ايله فصل و جسم اولنوبده تميز ايدلدىكى صورتده او مصلحته متعلق اولان
دوسيه مرتب اوله رق حاكم طرفندن محكمه تميزه كوندرياهك و تميز و وقوعبولدينى صورتده ينه مرتب اوله رق
حاكم منسوب اولدينى بدابت محكمه سي قلمنده حفظ اوله جقدر . مع هذا غياباً و يريلن حكملرده مذكور
دوسيه آنحق غائبك حق اعتراضى استعمال ايتديكى و حكم كسب قطعت ايدلدىكى كلاشلدنصكره و يريله جكدر . »
ماده : ٢ قانون مذكورك ٦٦ نجى ماده مصححه سي بوجه آتى تعديل اولمشدر :
« تميز طريقته مراجعت ايدلمش اولدينى تقديرده محكمه تميزجه جريان ايدلهك اصول قرق دردنجى
ماده ده بيان اولان اصولك عيندر . صلح محكمه لرينك اعلامى حاكمك وظيفه و صلاحيتى نقطه سندن و حكمك
قانونه مخالفشدن و صلح محكمه لرينه متعلق اصول محاكميه مغايرتندن ناشى نقض اولنور . »

ماده : ٣ اشبو قانون تاريخ نشرندن اعتباراً مرعيدر .

ماده : ٤ بو قانونك اجراسنه عدليه ناظرى مأموردر .

مجلس عمومينك اجتماعنده قانونيتى تكليف اولنق اوزره اشبو لايحه قانونيه نك موقتاً موقع مرعيتنه
وضعنى و قوانين دولته علاوه سنى اراده ايدلم . ٢٧ جادى الاولى ١٣٣٣ ٣٠ مارت ١٣٣١

محمد رشاد

عدليه ناظرى
ابراهيم
صدر اعظم
محمد سعيد

تبلیغات عمریه

عمریه نظارت جلیله سنده نظمیر اولنامه ٤ نیسانه سنه ٣٣١ تاریخلی خبرات عمومی صوریر :

« افراد و منسوبین عسکریه عائله لرینه وقوعه کلهجک تعرضاته متعلق دعاوینک اهمیت مخصوصه ایله تعقیب و مستعجلاً تدقیق ورؤیت ایدلمسی حقنده »

افراد و منسوبین عسکریه عائله لرینه قارشلی وقوعه کن تعرضات و تجاوزاتدن طولایی متجاسرلری حقنده قانوناً اجراسی اقتضا ایدن معاملانک بعضاً تأخراته اوغراقدده اولدینی استخبار ایدلمکده در . بالعموم افراد ملتک وقایه حقوق و ناموسی مأمورین حکومتک جمله وظائفندن اولغله برابر بالخاصه مدافعه وطن اوغورندن چالیشوب فدای جان ایتکده اولان منسوبین عسکریه نک عائله لری مأمورینه و مملکتلرنده قالان دیگر وطنداشلیرینه ودیعه حکمنده اولمسیله بونلرک هر کونه تعرض و تجاوزدن صیاتی و بوکی افعاله مجاسرت ایدنلرک بلافاظه وقت اشد جزا ایله تأدیب و تجزیه سی اقتضا ایدر .

بناءً علیه بی خصوصک اهمیتی مأمورین عدلیه جه تماماً نظر دفته آله رق کرک شکایت و ادعا وقوعنده و کرک استخبار کیفیت حالده مدعی عمومیلر طرفندن هان معامله لازمه یه ابتدار و جدیتله تعقیب ماده ایدلمسی ودوائر و محاکم عدلیه جه دخی دعاوی مذکورهنک موقوفی ایشلرده اولدینی کی مواد ساره یه تقدیماً و مستعجلاً تدقیق ورؤیت اولنه رق برآن اول انتاجی توصیه و اشعار و بوکی مواده رخاوت و بطااتی کوریه جک مأمورینک شدتله مسئول ایدلملری مقرر اولوب دیگر استیناف مدعی عمومیلک لرینه ده اولوجهله تبلیغ کیفیت ایدلمش اولغله دائره مأموریتلری داخلنده کی مأمورین عدلیه جه ده آکا کوره حرکت اولنق اوزره تعمیماً تبایغات اجراسی بشقه جه انبا اولتور .

عمریه نظارت جلیله سنده نظمیر اولنامه ١١ نیسانه سنه ٣٣١ تاریخلی خبرات عمومی صوریر :

« رژی یه عائد مواددن دولایی حبس ایدیلنلرک مصارف اعاشه لرینک اداره انحصاریه دن طلب ایدلمسی حقنده »

انحصار دخان قانونی احکامنه مخالف افعال و حرکاتدن طولایی حبس جزاسنه محکوم اولان اشخاصک مدت محبوسیتلری انواده اتفاق و اعاشه لری ایچون صرفی ایجاب ایدن مبالغک بعض مدعی عمومیلکارجه اداره انحصاریه دن طلب ایدلمکده اولدینی واقع اولان مراجعتدن آکلاشلدیغندن بحثله قانون مزبور موجبجه

حبس ایدیلن اشخاصک اتفاقلری ایچون بوکی مطالباتدن صرف نظر ایدلمسی لزومی مالیه نظارت جلیله سندن باتذکره بیلدیرلمشدر .

اجرا قانوننک یوز اوتوز دردنجی ماده سی موجبجه محبوسینک اعاشه و انفاقی ضمنتده صرفی ایجاب ایدن مبالغک حبسخانه لر تخصیصاتی مینندن حکومتجه اعطاسی اساساً مقتضی اولسنه منی بعدما بوکی مبالغک اداره انحصاریه دن طلب ایدلمیه رک تخصیصات مذکورهن صرفی لزومی بالعموم استیناف مدعی عمومیلک لرینه تبلیغ قلنمش اولغله دائره مأموریتلری داخلنده کی محاکم ودوائر جه ده معلوم اولنق و اولوجهله ایفای معامله اولنق اوزره اشبو تحریراتک نسخ مطبوعه کافیه سی لاجل التوزیع لفاً ارسال قلندی .

محکمہ تمیز مقرانی

محکمہ تمیز مقرانی

محکمہ تمیز مقرانی صادر اولنامه ٢٩ مارت سنه ٣٣١ تاریخلی ر ٨٩ نومردلی اعلام صوریر :

« ابراز اولنان سندات و قیودات خاقانی ایله حل مسئله قابل اولمادینی تقدیرده طرفیندن پینه طلب واستماع اولنه رق نتیجه حاصله یه کوره قرار ویرلک لازم کلیر »

آطه بازارینک بوزیک محله سنده مقیمون مراد اوغلی اوخانس کریمه لری سرپوهی و تقوهی و مخدومی نظرت اوغلی اوخانس چزمه جیان حاجی آرتین بیننده متکون دعوایه دائر آطه پازاری بدایت محکمه سندن ٢٢ تشرین ثانی ٣٣٠ تاریخلی و یوز قرق عددی ایله وریلوب مزبورتان سرپوهی و تقوهی ایله مزبور اوخانس طرفندن تمیزاً تدقیق استدعا قلنان اعلام یالکز مستدعیلرک اعتراض لایحه سیله بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه کوره : مومی الهم اوخانس و سرپوهی و تقوهی محکمہ مذکوریه باعرضحال مراجعتله بوزیک محله سنده کائن معلوم الحدود متصرف اولدقلری بر باب خانه نک باغچه سنه مرقوم حاجی آرتین طرفندن وقوعبولان معارضه نک منعی حقنده اقامه ایتدکاری دعوی اوزرینه محکمہ جه محل مذکور طرفینک ذی الید اولدینی بالینه اثبات ایتدیرلکدن صکره مدعیلر محل مذکورده مستقلاً ذی الید اولدقلرینی تواتراً اثبات ایده جکلرینی و مدعی علیه ده اثباته حاجت اولیوب مجله احکامنه توفیقاً ایفای معامله و اجرای

حاکمه ایدلسنی در میان ایملری اوزرینه مدعیلرک تصحیح دعوی ایملری حقنده محکمه جه اتخاذ اولسان قراره قارشو دخی مدعیلر ادعالرنده بالاصرار مدعی علیه منع معارضه سنی طلب وادعا ایملری حسیله اجرا قلنان محاکمه و تدقیقات نتیجه سنده مدعیلرک منازع فیه بانچه ذی الید اولدقلری جهتله عدم توجه حضومت نقطه سندن دعوی واقع لرینک ردیه مدعی علیه قارشو منع معارضه لرینه حکم و قرار ویرلدیکی آکلاشمشدر .

مستدعیلر طرفندن ویریلان لایحه ده : محل مذکوره کندولرینک ذی الید اولدقلری بیانیله عدم توجه حضومت نقطه سندن رد ادعایینه قرار ویرلمسی مغایر قانون اولدیغندن و اسباب سائردهن بختله اعلامک تقضی طلب و استدعا اولنمشدر .

ایجابی لدی المذاکره اعلام مذکور مألندن منقهم اولدینی اوزره مدعی به بانچه مدعیلر واضع الید اولدیغندن بو بایده مدعی علیه حضومتلری توجه اتمیه جکندن بختله رد استدعایه قرار ویرلمش ایسه ده مدعیلرک ذی الید اولمسی آخر علیهنده منع مداخله دعواسی اقامه ایملرینه مانع اوله میه جنی جهتله محکمه جه طرفیندن محل منازع فیه تصرف لرینه دأر سند خاقانی طلب ایدلمک ولدی الایجاب دفتر خاقانی اداره سندن استعلام کیفیت ایله بو بایده کی قیود خاقانیه تدقیق اولنق و ابراز اولنه حق سندات و قید خاقانی ایله حل مسئله قابل اولمادینی تقدیرده مدعی به محله هر ایکی طرفک ذی الید اولدینی ثابت اولمسته کوره محله نک بیک یدیوزاللی آلتنجی ماده سی حکمنه توفیقاً طرفیندن بینه طلب و استماع اولنورق نتیجه حاصله یه کوره قرار ویرلمک لازم کلیر ایکن بو دأرده ایفای معامله ایدلمکسزین بر منوال محرر قرار ویرلمسی مغایر اصول وقانون اولدیغندن اصول محاکمه حقوقیه قانوننک ایکویوز اتوز ایکنجی ماده سی موجبجه اعلام مذکورک تقضیه ایکویوز قرق دردنجی ماده سی حکمنه توفیقاً کیفیتک وجه محرر دأره سنده بالرؤیه اعلامه ربطی ضمننده محکمه مذکوره یه اعاده سنه و مستدعی تمیزلرک فقر حاللرینه مبنی مصارف تمیزیه دن تأجیل ایدیلان قسمی ایله استیفا قلنان قسملرک زیده مفردات و عطیسی کوسترلمش اولدیغندن ایلروده حقسز چیه حق طرئه عائد اولمسته ۲۹ مارت ۳۳۱ تاریخنده متفقاً قرار ویرلدی .

محکمه تمیز جزا دأره سی مقراتی

محکمه تمیز جزا دأره سنده صادر اولانه ۲۲ مارت سنه ۳۳۱ تاریخلی و ۲۴۶ نومرولی اعلام صورته بر :

« محکمه شرعیه جه اخیراً بطلاتنه حکم اولنان نکاحک اجرا سندن صوکره واقع اولان ازاله بکر حقنده »

موش سنجاغی بدایت محکمه سی جزا دأره سندن صادر اولان ۲۱ محرم ۳۳۳ و ۲۴ تشرین ثانی ۳۳۰

تاریخلی ویوز اللی اوچ نومرولی اعلام ایله متفرعاتی باش مدعی عمومیلک مأموریت علیه سنک ۲۶ ربیع الاخر ۳۳۳ و ۲۸ شباط ۳۳۰ تاریخلی والی بیک ایکویوز طقسان اوچ نومرولی تبلیغنامه سیله ۲۸ شباط ۳۳۰ تاریخنده محکمه تمیز جزا دأره سنه اعطا قلنمشدر .

اعلام مذکورک خلاصه مآلی اوچیوز یکریمی طقوز سنه سی مایسی ظرفنده ملاز کردک کوشتان قریه سندن اون بش یاشنی اکال ایتماش اولان برقو بنت عثمانی قاجیره رق فعل شنیع اجراسیله بکرینی ازاله ایلدیکی ادعا قلنمسنندن طولای جنایتله اتهام اولنان قریه مذکورلی خالد بن عمونک جنجه مظنونیه معاً اجرا قلنان محاکمه سی نتیجه سنده متهم مرقومک ثبوت فعلنه مبنی مجریمته و قانون جزانک یوز طقسان یدنجی ماده سنه توفیقاً اوچ سنه مدته کورکه قولسنه و جنجه مظنونی ملا احمدک اوچ آی حبسنه ۲۳ تشرین ثانی ۳۳۰ تاریخنده حکم اولدیغندن عبارتدر .

تبلیغنامه ده دخی صورت توصیف جریمه نظراً متهم مرقومک حرکتی ایکویوز آلتنجی ماده سنک اوچنجی فقره سنه موافق اولدینی حالده یوز طقسان یدنجی ماده سنه توفیقاً تعیین جزا ایدلمسی مغایر قانون اولدیغندن بختله اعلام مذکورک تقضی استدعا قلنمشدر .

اوراق دعوی بعدالمطالعه تدقیقات تمیزیه اجرا اولندقد قاجیرلیدی ادعا اولنان قزک جبر ویا حیلله ایله قاجیریلوب قاجیرلمدی لایقوله تحقیق اولنورق بوجهت بادی تردد اوله میه حق صورتده تعین ایتدکد نصکره ازاله بکر جرمنک اخیراً محکمه شرعیه جه بطلاتنه حکم اولنان نکاحک اجرا سندن صکره ایقاع ایدلمش اولدینی تصادق طرفین و شهادت واقع ایله متحقق اولمسته کوره ولوبالا خره بطلانی حکم شرعی یه اقتران ایتمش اولسون بویه برنکاحک مشروع عدلیه واقع اولان مقارنتک قانوناً مستلزم جزا فعل شنیعدن معدود اولوب اوله میه جنک یعنی برجرم قانونی تشکیل ایدوب اتمیه جکمنک موضوع موقع تدقیق ایدیلرک اسباب موجب بیانیله اعطای حکم اولنق لازم کلورکن اشبو لزوم قانونی یه رعایت ایدلماش اولمسی مخالف قانون و نقض حکمی مستلزم احوالدهن بولنش اولدیغندن اعلام مذکورک اصول محاکمات جزائییه قانوننک اوچیوز اون دردنجی ماده سی حکمنه توفیقاً تقضیه و احکام قانونیه دأره سنده ایفای معامله اولنق اوزره اوراقک محله اعاده سنه وایکی یوز غروش نقض خرچنک ایلروده حقسز چیه حق طرفندن تحصیلنه ۲ مارت ۳۳۱ تاریخنده اکثریتله قرار ویرلدی .

محکمه تمیز جزا دأره سنده صادر اولانه ۱۲ نیسانه سنه ۳۳۱ تاریخلی و ۶۰۷ نومرولی اعلام صورته بر :

« موضوع مهرک فکیله دروننده کی کندی اشیاسنی قالدیرمق سرفندن معدود اولیوب آنجق ثبوتی حالنده مهر رسمی فکی ایله آله جقلوسندن مالی قاجیر مقندن عبارتدر »

جبل برکت سنجاغی بدایت محکمه سی جزا دأره سندن صادر اولان ۱۱ تشرین ثانی ۳۳۰ تاریخلی و طقسان

بش نومرولی اعلام ایله اوراق متفرعه سی باش مدعی عمومیلک مأموریت علیه سندن ۲۹ ربیع الآخر ۳۳۳ و ۳ مارت ۳۳۱ تاریخی و قرق درت نومرولی تبلیغنامه ایله ۷ مارت ۳۳۱ تاریخده محکمه تمیز جزا دائره سینه اعطا قلمشدر .

اعلام مذکورک خلاصه مالی قرضی طام قریه سنک شیخ غنم محله سندن عباس اوغلی عیسانک دین تجاریسنک تأمین استیفاسیچون دکاننده کی اشیای مقاولات محررلکی معرفتیه تحت حجزه آلمسی اوزرینه مذکور دکان قپوسنده کی کایدی آچهرق و موضوع مهری فک ایدرک اشیای محجوزی سرقت ایلدکلی ادعا قلمسندن دولای جنایتله اتهام اولنان مرقوم عباس اوغلی عیسی آلمه نك نافع محله سندن عثمان اوغلی خلیل و برادری سلیمانک جنجه مظنونلریله برلکده اجرا قلنان محاکمهلری نتیجه سنده متهمون مرقوموندن عیسانک کلید قیرمق و مهر فک ایتک صورتیه سرقت مذکوره جرأتی مجرمیتیه و قانون جزانک ایکی یوز یکرمنجی ماده سینه توفیقاً اوچ سینه مدته کورکه قونلسمه و دیگر متهملرله جنجه مظنونلرینک براتلرینه ۱ تشرین ثانی ۳۳۰ تاریخده حکم اولدیغندن عبارتدر .

تبلیغنامه ده دخی ذات ماده مرقومک محجوز اولان اموالی مهر رسمی بی فک ایتک صورتیه سرقت ایتسندن عبارت اولوب آنحق حجز احتیاطی مبالغ مدعا بهک استیفاسی تحت تأمین آلمه معطوف برتدیر قانونی بولسمه نظراً ملکینی اساساً سالب اوله میه جنی درکار وشو حاله کوره مرقوم عیسانک بوجه ادعا مهر فکیله سرقت مجاسرت جرمندن دولای مجرمیتیه قرار ویریه بیلمسی اموال محجوزده مذکوره اوزرنده کی حق تصرفنک برسبب قانونی ایله مرفوع اولسمه وابسته اولدینی بدیدار بولنش و بناء علی ذلک محکمه جه بونقطه نك تنویری ضمنتده مرقومک اموال محجوزده کیفیت تصرفی نه کی بر عقدده مستند اولدیغنک تدقیقه نتیجه تدقیقاته کوره اعطای رأی و قرار اولمق اقتضا ایتدیکی حالده محکمه جه لزوم مذکوردن ذهول ایدلمسی مخالف قانون کورلمش اولدیغندن بختله اعلام مذکورک تقضی طلب اولمشدر .

اوراق دعوی مطالعه اولندقدن صوکره حکم جانییدن دولای تدقیقات تمیزیه اجرا اولندقدن مسروقیی ادعا اولنان اشیای متهم عیسانک کندی مالی اولدینی حالده دین تجاریسنک تأمین استیفاسیچون مأمور مخصوص طرفندن تحت حجزه التمش اولسمه نظراً مرقومک دکانی اوزرینه موضوع مهرک فکیله درونندن اشیای مذکورده بی قالدیرمش اولسمی سرقتدن معدود اوله میوب آنحق ثبوتی حالده مهر رسمی فکی ایله آله جقلوسندن مالی قاجیرمقدن عبارت اوله جنی درکار بولنش ایکن برمنوال محرر سرقتدن تجریم و اولوجهله تعیین جزا اولنمی مخالف قانون اولدیغندن اصول محاکمات جزائییه قانوننک اوچیه زاون دردنجی ماده سینه توفیقاً حکم مذکورک نقضه و احکام قانونیه دائره سنده ایفای معامله اولمق اوزره اوراقنک محله اعاده سینه و ایکی یوز غروش اعلام خرچنک ایلروده حقسز چیه جق طرفدن تحصیلنه ۸ مارت ۳۳۱ تاریخده متفقاً قرار ویرلدی .

محکمہ تمیز جزا دائره سندن صادر اولده ۱۲ نیسانه سنه ۳۳۱ تاریخی و ۵۴۱ نومرولی اعلام صورتیدر :

« فعل مدعا بهک بالذات متهم مرقومان طرفلرندن ایقاع ایدلیدیکنک ادله قاطعه سی قرار مجرمیتیه کوسترلامسی موجب نقضدر »

ارزنجان سنجانی بدایت محکمه سی جزا دائره سندن صادر اولان ۱۸ صفر سنه ۳۳۳ و ۲۳ کانون اول سنه ۳۳۰ والتمش اوچ نومرولی اعلام ایله اوراق متفرعه سی باش مدعی عمومیلک مأموریت علیه سندن ۱۲ ربیع الآخر سنه ۳۳۳ و ۱۴ شباط سنه ۳۳۰ تاریخی و بش بیک طقوز یوز اوتوز ایکی نومرولی تبلیغنامه ایله ۱۶ شباط سنه ۳۳۰ تاریخده محکمه تمیز جزا دائره سینه اعطا قلمشدر .

اعلام مذکورک خلاصه مالی اوچ یوز یکرمنی طقوز سنه سی مایی طرفنده کاحک دده ک قریه سندن ایوب اوغلی محمود بن شاکرک خانه سندن غرا تقنکی ایله اچقه سی سرقت ایلدکلی ادعا قلمسندن دولای جنایتله اتهام اولنان قریه مذکورده دن رمزی بن حقی و حسین بن محمد و تحسین بن نیازینک اجرا قلنان محاکمهلری نتیجه سنده متهمون و مرقوموندن حسین و رمزینک نردباله اشهرق سرقت فعلنه جرأتلری ثابت اولمغه اولوجهله مجرمیتلرینه و مرقوماندن حسینک اولجه رفیق دده اوغلی صفوت بن واحد ایله برلکده عمر افندیکنک کومنک عمداً احراقی ماده سندن دولای مجرمیتلرینه قرار ویریلوب تحدید جزالری اشبو فعلک نتیجه سینه تعلیق ایدلیدیکی اکلاشلمغه حسینک اعظم جرم اعتباریه صفوت ایله برابر حرکتلرینه توافق ایدن قانون جزانک یوز التمش دردنجی ماده سینه توفیقاً مؤبداً و رمزینک دخی قانون مذکورک ایکی یوز یکرمنجی ماده سی حکمنه تطبیقاً اوچ سینه مدته کورکه قونلرینه و تحسینک برائتنه ۲۲ کانون اول سنه ۳۳۰ تاریخده حکم اولدیغندن عبارتدر .

محکمه مذکوره مدعی عمومی معاونلکی طرفندن ویریلوب میان اوراقده بولنان لایحه تمیزیه ده استماع اولنان شهودک افاداتی کذبیه مستند اولدیغندن والد اولیان سلاحک مسروق سلاح اوله جنی ذهابنه بناء متهمان مرقومان رمزی و حسینک مجرمیتلرینه قرار اعطاسی مخالف قانون بولدیغندن بختله اعلام مذکورک نقضی استماع اولمشدر .

اوراق دعوی مطالعه اولندقدن صکره حکم جانییدن دولای تدقیقات تمیزیه اجرا اولندقدن تبلیغنامه ده دخی بیان اولدینی اوزره احراق فعلندن دولای جریان ایدن محاکمه نتیجه سنده تحصیل ایدن دلائل متهم مرقومانک احراق اولنان آغیل جوارنده کورولمش اولملرندن عبارت اولوب فعل مدعا بهک بالذات متهم مرقومان طرفلرندن ایقاع ایدلیدیکنک ادله قاطعه سی قرار مجرمیتیه کوسترلامش و وکیل مدافعک شهودک بیاناتنه دائر سرد ایلدیکی مدافعات حقنده بالاطراف بیان مطالعه اولنماش و یوز التمش دردنجی ماده قانونیه مؤبد و موقت کورکدن عبارت اولمق اوزره ایکی درجه بی محتوی اولوب درجات مذکورده دن مؤبد

كورك جزاسنك تقدیرینی مستلزم اولان اسباب مشدده نك ذكر وارائه سندن ذهول قلمش و محمودك خانه سندن متهملردن رمزی و حسینك سركت موصوفه بی ایقاع ایلدك رینه متدائر اسباب ثبوتیه ده سرد و اتیان اولنماش واحوال مسروده ایسه مستلزم نقض احوال دن بولنش اولمغله اعلام مذكورك اصول محاکمات جزائییه قانونك اوچوز اون دردنجی ماده حكمنه توفیقاً نقضه واحكام قانونیه دائره سنده ایفای معاملیه اولنق اوزره اوراقنك محله اعاده سنه وایکی بوزغروش اعلام خرجنك ایلروده حقمنز چیه حق طرفدن تحصیلنه ۲۳ شباط سنه ۳۳۰ تاریخنده متفقاً قرار ویرلدی .

محكمة تمیز جزا دائره سنده صادر اولره ۱۲ نیسانه سنه ۳۳۱ تاریخ و ۵۳۸ نومرولی اعظم صوریتدر :

« ممائی مجهول اولان جنینك دوام تغیندن دولای فاعلك نامحدود حبسی عیرجائز بولندیغه دائر »

یوزغاد سنجاغی استیناف محكمه سی جزا دائره سندن تنظیم و اعطا قلنان ۱۴ كانون اول ۳۳۰ تاریخلی و یوز اوتوز بر نومرولی اعلامك تمیزی حقنده محكمه مذكوره مدعی عمومیلکندن معطی استدعایمه ایله اوراق متفرعه سی باش مدعی عمومیلك .أموریت عایه سندن ۲۶ ربیع الاول ۳۳۳ و ۲۹ كانون ثانی ۳۳۰ تاریخلی و بشیك درتیوز آتمش یدی نومرولی تبلیغنامه ایله ۳ شباط ۳۳۰ تاریخنده محكمه تمیز جزا دائره سندن تودیع ایدلمش ولدی التدقیق استدعایمه نك مدت قانونیه سی ظرفنده ویرلیدی آكلاشلمش اولمغله بالقبول اوراق موجوده قرائت اولندی .

اعلام مذكورك خلاصه مالی ولد غیر مشروعی كتم و اخفا ایلش اولسنك ثبوتیه مبنی بر سنه مدتله حبسنه قرار ویریلان یوزغادك دربند قریه سندن ارکوجی اوغلی علی مطلقه سی عادلہ بنت حسن طرفندن چوجنك وفاقی حقنده تحقیقات اجراسی استدعا اولنمی و بوبابده تحقیقات اجراسنك محكمه یه عائد اولدیغیده محكمه تمیزدن صادر اولان اعلامده بیان قلمسی اوزرینه جریان ایدن تحقیقات و محاکمه نتیجه سنده تحصیل ایدن دلالتله كوره چوجنك هر حالده حیاته اولمقندن زیاده میتاً طوغدیغه قناعت حاصل اولسنه و مزبورده نك بو مسئله ده فاعلیتی حقنده تطبیق ایدلمش اولان قانون جزانك ایکی یوز بشنجی ماده سی جنحه افعاله مخصوص اولوب بونكده منتهای جزاسی اوچ سنه بی تجاوز ایده میه جكنه و مزبورده ایسه اولجه حقنده صادر اولان بر سنه حبس جزاسنك اكالیله ایکی مثلی دها حال محبوسیتده قاهره مدت محبوسیتك اوچ سنه یه تابع اولدینی آكلاشلمسنه و بوندن زیاده امتداد محبوسیتی موافق قانون و عدالت اوله میه جغه و مزبورده نك بو چوجنی حیاً تولید ایلدكدن صكره غائب ایلدیکی حقنده بر كونه مدخل و مشاركتنی اشراب ایدر وسائله دسترس اولنه مامسنه بناءً مزبورده نك دوام محبوسیتیه محل كوریله مدیكندن حبسندن اطلاقنه ۱۵ شباط ۳۲۹ تاریخنده حكم اولندیغندن عبارتدر .

مدعی عمومیلكك لایحه سنده بو مثللو مظنوننك بر سندن اوچ سنه یه قدر حبس ایدیه جکی و بومدت ظرفنده چوجنك وفاقی اثبات ویا ظاهره اخراج ایتدك لری حالده حبسندن اطلاق اولنه میه جق لری مطلق اوله رق قانونده مصرع اولسنه نظراً بو جزانك منتهای اولدینی آكلاشلمقده اولدیغه و بناءً علیه اجرا قلنان محاکمه ده چوجنك وفاتنه دائر بر كونه اخبارات و امارات غیر موجود اولدینی حالده بوجه محرر قرار اعطایی مغایر قانون اولدیغه و سائریه دائر اعتراضات سر دیله اعلامك نقضی استدعا قلمشدر .

تدقیقات تمیزیه اجرا اولندقده تبلیغنامه ده دخی بیان اولدینی وجهله قانون جزانك ایکی یوز بشنجی ماده سنك فقره اخیره سنده صبی سركت و تغیندن مظنون اولان اشخاصك صبی میدانه چیقارمقده ویا صینك وفاقی تحقق ایتدكجه حبسندن اطلاق اولنیه جنی محرر اولوب فاعلك محبسندن عدم اطلاق جنینك میدانده بولنماسی دوام حیات ویا وقوع ممائی مشكوك قیله رق تظاهر حقیقت ضمننده بر تضییق قانونیدن عبارت اولسنه و صبی تلف ایدن اشخاص حقنده درجه حرکته كوره محدود و معین بر جزا ترتیب ایتش اولان واضع قانونك ممائی مجهول بر جنینك دوام تغیندن دولای فاعلك نامحدود حبسی ایله تجزیه سی مجازاتی اساسی قبول ایتش اولدینی تصور قواعد اساسیه جزائییه مزله غیر قابل تألیف و بناءً علیه بو بابده واضع قانونك اطلاق ایچون بر حد انتها قبول ایتش اولسی امر ضروری اولوب ماده مذكوره ده کی (حبسندن) تعبیرینه نظراً بو حد انتها نك دخی حبس جزاسنك درجه منتهای اولان اوچ سندن عبارت و بو مدتك ختامنده شخص مظنونك تخلیه سی قواعد عمومیه یه كوره لازم بر کیفیت بولنسنه بناءً اعلام تمیزیه موافق اصول و قانون و لایحه ده بو اساسه مغایر و حبسك منتهای اولدیغه و سائریه دائر سرد ایدیلان اعتراضات اصابتیه غیر مقرون اولدیغندن مارالذكر تمیز استدعاسنك ردینه ۸ شباط ۳۳۰ تاریخنده متفقاً قرار ویرلدی .

محكمة تمیز جزا دائره سنده صادر اولره ۱۲ نیسانه سنه ۳۳۱ تاریخ و ۵۴۳ نومرولی اعظم صوریتدر :

« هر بر متهمك فعل قتل مذكوره درجه مشاركتی تعیین و جرملری توصیف اولنق مقتضی در »

آیدین سنجاغی بدایت محكمه سی جزا دائره سندن صادر اولان ۷ ذی القعدة ۱۳۳۲ و ۱۵ ایلول ۱۳۳۰ تاریخلی و یوز یكرمی یدی نومرولی اعلام ایله اوراق متفرعه سی باش مدعی عمومیلك مأموریت علیه سندن ۱۲ ربیع الاخر ۱۳۳۳ و ۱۴ شباط ۱۳۳۰ تاریخلی و بش بیك طقوز یوز اون بر نومرولی تبلیغنامه ایله ۱۶ شباط ۱۳۳۰ تاریخنده محكمه تمیز جزا دائره سنده اعطا قلمشدر .

اعلام مذكورك خلاصه مالی سوكه قناسنك آص تپه قریه سندن جمعه كیهی اوغلی جعفری جرح و قتل ایلدك لری ادعا قلمسندن دولای جنایتله اتهام اولسان قریه مذكوره دن چولاق علی اوغلی محمد و باتق

ولینک حسن اوغلی علی و قره قریه سندن اق باش مصطفی اوغلی سلیمانک اجرا قلنان محاکمه لری نتیجه سنده متهمون مرقومونک تعمداً و فاعل مستقل تعین ایدمه جک صورتده مشترکاً قتل مذکوره جرأتلری ثابت اولمغله اولوجهل مجرمیتلرینه و حرکتلرینه توافق ایدن قانون جزانک یوز یتیمنجی و یوز سکسانجی ماده لری احکامنه توفیقاً درجه فعللرینه نظراً بونلردن محمد و علینک اون بشر و سلیمانک اون سنه دتلرله کورکه قوللرینه ۸ ایلول ۱۳۳۰ تاریخنده حکم اولندیغندن عبارتدر .

اوراق دعوی مطالعه اولندقدن صوکره تدقیقات تمیزیه اجرا اولندقدن تبلیغنامه ده دخی بیان اولندیغنی اوزره متهمون مرقوموندن محمد عندالاستطاق مرقوم جعفری کندیسینه علی برطرفده و سلیمان دها اوزاق برمسافه ده بوصو قورمق صورتیه قتل ایلدکریغنی و کندیسینک قیرمه و علینک دوله چفته و سلیمانک تک تفنک حامل اولدقیریغنی اعتراف ایلسنه قارشو ایچلردن علی هر نه قدر متهم محمد جعفرک مشترکاً قتلی تیکلیف ایلش ایدمه زوجیه سی وضع حمل ایلدیکندن ناشی رد ایلدیکی سویله رک انکار ایتش و شهوددن بعضیسی مقتلدن ایکی سلاح سسی ایشدکریغنی اخبار ایلش و سلاحلرک بری بوصو قوریلان و دیگریده دها آلت طرفدن اولمق اوزره ایکی محلدن آنلیدیغنی محل جرمک کشفنی متضمن ضبط ورقه سی و مقتوله کوریلان ایکی جریحه دن برینک عادی ایدوکی و وضعیته کوره بوصو جهندن آتیلان سلاحک اصابتیه حاصل اولان جریحه نک متبع موت اولدیغنی طیب راپوری و قیرمه چفته ایله تک تفنکک ایتش و دوله چفته نک استعمال ایدلماش اولدیغنی اهل خبره راپوری مؤدلرندن اکلایشلش اولسنه کوره مرقوموندن علینک فی الحقیقه زوجیه سنک وضع حمل ایلوب ایلدیکی و در دست ایدیلان تفنکدن غیری سلاحی اولوب اولدیغنی تحقیق و سالف الیان دلائل یعنی سلاحلرک محل استعمالی متهملر ایله مقتولک بولندقیری وضعیت ایله مرینک سیری نظر دفته الهرق و عندالایجاب مذکور ضبط ورقه سی و راپورلری تنظیم ایلانلردن استیضاح کیفیت اولنه رق نتیجه حاصلیه کوره هر بر متهمک فعل قتل مذکوره درجه مشارکتی تعین و جرملری توصیف اولنمق مقتضی ایکن ذهول ایدیلرک بر منوال محرر قتلك کیمک قورشونکک اصابتیه حصوله کلدیکی آکلا- شیه مدیغندن بحثله اتخاذ قرار اولنسی مخالف قانون و مستلزم نقض احوالدن بولنش اولمغله اعلام مذکورک اصول محاکمات جزائییه قانونک اوچ یوز اون دردنجی ماده سی حکمنه توفیقاً نقضه و احکام قانونیه دائره سنده ایفای معامله اولنمق اوزره اوراقنک محله اعاده سنه و ایکی یوزغروش اعلام خرجنک ایلروده حقسز حقیقه جق طرفدن تحصیلنه ۲۴ شباط ۱۳۳۰ تاریخنده متفقاً قرار ویرلدی .

محکمہ تمیز جز دائره سندن صادر اولنه ۱۲ نیسان سنه ۳۳۱ تاریخنی و ۵۳۹ نومرولی اعلام صوریه در .

« مدعی عمومیلرک حقوق شخصیه جهندن تمیز دعوایه صلاحیت قانونیه لری اولدینه دایر »

خداوندکار ولایتی استیناف محکمه سی جزا دائره سندن صادر اولان ۳۰ ذی الحجه ۱۳۳۲ و ۶ تشرین ثانی ۱۳۳۰ تاریخنی و درت یوز الی برنومرولی اعلامک تمیزاً تدقیق حقنده محکمه مذکوره مدعی عمومیلکی ایله محکوم علیه عارف افندی طرفندن معطی استدعایمه لر ایله لایحه تمیزیه و اوراق سائرہ دعوی باش مدعی عمومیلک مأموریت علیه سندن ۶ ربیع الاخر ۳۳۳ و ۸ شباط ۱۳۳۰ تاریخنی و بش بیک یدی یوز اون طقوز نومرولی تبلیغنامه ایله ۱۰ شباط ۱۳۳۰ تاریخنده محکمه تمیز جزا دائره سنه اعطا قلنمش اولمغله مطالعه اولندی .

اعلام مذکورک خلاصه مالی ذمت و اختلاس ماده لرندن دولای جنایتله اتهام اولنان سکود قضاسی مال مدیر سابق عارف و صندوق امین سابق نیقولا کی افندیلرک قاعه بندلک جزاسیله محکومیتلرینه و مبلغ مجلس بهک کندولرندن و نیقولا کی افندی به عائد اولان قسمک مدعی شخصی و کیلی طرفندن وقوعبولان طلب وجهله کفیللری صوتیرا کی و اندریا اغلاردن تحصیلنه دایر خداوندکار ولایتی مجلس اداره سندن ویریلان اعلام اخیر دخی شورای دولت تمیز محکمه سندن نقض ایله اوراقنک اعاده قلنمسی اوزرینه مجلس مذکورجه جریان ایدن محاکمه اخیرده جرم مذکورک ۱۰ تموز ۱۳۲۴ تاریخندن مقدم ایقاع ایدلش اولمسی جهتیله ۸ اغستوس ۱۳۲۵ تاریخنی عفو قانونی موجبجه اولبابده کی حقوق عمومیه دعواسنک سقوطنه قرار ویریلرک حقوق شخصیه جهندن محاکمه به دوام اولندیغنی صروده مأمورین محاکمته دایر اولان قانون اخیر موجبجه اوراقنک جهت عدلیه به تودیع قلنمسی اوزرینه اجرا قلنان محاکمه لری نتیجه سنده متهملر طرفندن اختلاس اولندیغنی تحقیق ایدن یوز قرق وچ بیک یکریمی بیق غروشک مومی الیها عارف و نیقولا کی افندیلردن مناصفه و متباقی درت بیک اوچیوز یکریمی ایکی غروش اوتوز پاره صندوق آچینی اولمغله مبلغ مذکورکده بشقه جه نیقولا کی طرفندن مع فائض تحصیلنه و کفلانک زمان کفالتلرینه تعلق ایدن مقداریه مؤأخذلری لزومه مبنی شو اعتبارله مومی الیها مان عارف افندی کفلاسندن حسین اغادن ایکی بیک بش یوز التمش بش و سلیمان افندیدن آلتش بش بیک درت یوز اوتوز غروش اون پاره و نیقولا کی افندی کفیللری فیدانجی اوغلی اندریا کی و ارسلان اوغلی صوتیریدن مومی الیهک صندوق آچینی ولان درت بیک کسور غروشله معاً بالغ اولدیغنی التمش طقوز بیک یدیوز الی غروشک یکدیگریه کفیل اولمق اوزره کندولرندن مع فائض تحصیلنه و دیگر کفلا حقنده خزینة مالیه نک آروجه اقامه دعواده مختاریته ۲۹ ایلول ۱۳۳۰ تاریخنده حکم اولندیغندن عبارتدر .

مستدعی عارف افندی طرفندن ویریلان لایحه تمیزیه ده دخی اولجه مجلس اداره دن ویریلان اعلامات کندوسنک فعل مذکورده مشارکتی اولدیغنه دأر کوستریلان اسبابک حکم ایچون درجه کفایه ده کوریه مامش اولمسندن ناشی تمیزاً نقض اولمش و نقض قرارنده تفصیلات لازمه قانونیه سردیله برائی لزومی کوسترلمش و محکمه اخیرده مدار حکم اوله جق بشقه بر سبب حادث اولمامش ایکن تمیزاً رده اوغرایان اسباب ایله محکومتی جهته کیدیلوب نقض واقع دأر ده سنده ایفای معامله اولمدیغنه و اولبابده کندوسنک ده مدخلدار اولدیغی حقنده دلائل قانونیه موجود ولما دیغنه وسائر نقصان تدقیقاته دأر عتراضات سردیله اعلام مذکورک نقضی استدعا اولمشدر .

تبلیغنامه ده دخی صرف حقوق شخصیه عائد ولان دعوای حاضرده مدعی عمومینک حق تمیزی اولمدیغندن اولبابده کی استدعای نامه نک ردی و محکوم علیه عارف افندی طرفندن مدتی طرفنده اعطا و شرائط قانونیه سی ایفا قلنان تمیز استدعای نامه سنک قبولیله اونقطه دن تدقیقات تمیزیه اجرایی و اساسه کنتجه اولجه مجلس اداره ولایتده جریان ایدن محاکمه نتیجه سنده اموال امیریله نک صندوق امینی نیقولایکینک یداختلاسنه کچمسنده مسامحه سی کورلدیکندن بختله عارف افندینک یالکیز برسنه مدتله حبسنه و اختلاس ایدیلان مبالغه اصل مختلس نیقولایکدن تحصیلنه دأر خزینه و کیلی مواجهه سنده تفهیم قلنان و خزینه نامه تمیز ایدلما سندن دولای اکتساب قطعیت ایدیلان حکمک یالکیز عارف افندینک استدعای تمیزی اوزرینه نقضندن صوکره ارتق یکیدن تضمینات مسئله سنک موضوع بحث ایدلسی یولسز اولسنه و مع هذا عارف افندینک اصل مختلس نیقولایکینک فعلنده کندوسنی ضماناً مسؤل ایتمک مدار اوله جق درجه ده دخل و اشتراکی مؤید ادله ثبوتیه نک بالا طرف توضیح و تفسیح لزومندن دخی ذهول ایدلیکی کورلمسنه نظراً لایحه ده محرر اعتراضات وارد و بجا کورلدیکندن بختله اعلام مذکورک نقضی طلب اولمشدر .

مذکور تمیز استدعای نامه لرینک مدت قانونیه طرفنده ویرلیکی و محکوم علیه عارف افندی طرفندن شرائط تمیزیه نک یفا اولندیغی اکلشلمش ایسه ده اعلام تمیزیه حقوق شخصیه عائد بولمسنه و مدعی عمومیلرک حقوق شخصیه جهندن تمیز دعوایه صلاحیت قانونیه لر اولمامسنه مبنی مذکور استیناف مدعی عمومیلرک تمیز استدعای سنک ردی قرارگیر اولدقدن صوکره محکوم علیه عارف افندینک استدعای نامه سی اوزرینه جهت تمیز بهدن طولای تدقیقات تمیزیه اجرا اولدقدن خداوندکار ولایتی مجلس اداره سنده جریان ایدن ایلك محاکمه ده مدعی عمومیلک جانبندن حقوق عمومیه و خزینه و کیلی ضیابک طرفندن دخی حقوق شخصیه دعوای اقامه ایدلیکی حالد بوبابده صادر اولان ۲۴ تشرین اول ۱۳۱۶ تاریخلی اعلامده صندوق امینی نیقولایکی افندی هم بش سنه قلع بندلک و همده اختلاس ایدلیکی مبلغ ایکی قاتی و مصارف محاکمه نک ثلثانی ایله محکوم ایدلمش و عارف افندی دخی جنجه درجه سنده برسنه مدتله حبس جزایی و یالکیز مصارف محاکمه و اجرت و کالک ثلثی ایله محکوم ایدیلوب مبلغ مختلسک مومی الیهدن دخی تحصیلنه دأر خزینه و کیلی جانبندن واقع

اولان طلبنه قارشو رد و یا قبولی متضمن هیچ برشی دینلمیه رک مسکوت عنه بر اقلمش واشبو جهت علیهنده خزینه و کیلی جانبندن طرق قانونیه دن برینه مراجعت اولمدیغندن دولای کسب قطعیت ایلش اولدیغی حالد استیناف محکمه سی جزا دأر ده سنجه بوجهت نظره النیه رق حقوق شخصیه دن طولای مومی الیه عارف افندینک محکومتی جهته کیدلسی مخالف قانون و مومی الیه نک لایحه تمیزیه سی محتویاتی بواعتبارله وارد و بجا کورلمش اولمدیغندن اعلام مذکورک عارف افندی به عائد جهتنک اصول محاکمات جزائییه قانوننک اوچوزاون دردنجی ماده سی حکمنه توفیقاً نقضنه و احکام قانونیه دأر ده سنده ایفای معامله اولمقی اوزره اوراقنک محله اعاده سنه ۲۶ شباط ۱۳۳۰ تاریخنده متفقاً قرار ویرلدی .

محکمہ تمیز استدعا دأر ده سی

محکمہ تمیز استدعا دأر ده سنده صادر اولان ۱۶ ثانیه اول سنه ۳۳۰ تاریخلی ۳۶۲۸ نورولی

اعلام صورتنیدر :

« اوزمان تحریباتنه متعلق دعاونک حل و تدقیق محاکم صلیحه و طائفندن خارجدر »

ایدن ولایتی استیناف محکمه سی جزا دأر ده سندن تنظیم و اعطا قلنان ۲۶ تشرین اول ۱۳۳۰ تاریخ و ایکی یوز طقسان درت نومرولی اعلامک تمیزاً تدقیقنی مستدعی محلی اورمان اداره سی طرفندن ویریلان استدعای نامه و اوراق متفرعه سی باش مدعی عمومیلک مأموریت علیهنده سندن باتبلیغنامه محکمه تمیز استدعا دأر ده سنه تودیع اولمغله لدی التدقیق مذکور استدعای نامه نک مدت قانونیه سی طرفنده اعطا قلندیغی آکلاشلدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی میری اورمانندن اشجار قطع ایدلیکی ادعا اولنان توجه بیق اوغلی ابراهیم ایله رفقاسنک اجرا قلنان محاکمه لر نتیجه سنده مرقومونک عدم مسؤلیت لرینه دأر صلح صفیله بدایه لاحق اولان حکمک عندالاستیناف تصدیقه قرار ویرلدیکنی متضمندر .

تمیز استدعای نامه سنده مظنون علیهرک فعل مذکورده محاسرتلری ثابت ایکن عدم مسؤلیت لرینه قرار ویرلمسی مغایر قانون ایدو کندن بختله اعلام استینافینک نقضی استدعا اولمش و تبلیغنامه ده دخی مظنون علیهم محل قطعیت میری اورمانی اولمایوب کندی اراضیلری داخلده ایدو کنی ادعا و بوبابده برسدن ابراز و اعطا ایلرینه و اورمان اداره سنک مذکور اورمانک میری اولدیغی اثبات ایلسی حقنده کی قرار محکمه یه اتباع ایللمسنه مبنی بدایه اتخاذ اولنان عدم مسؤلیت قرارینک تصدیقه قرار ویرلمش ایسه ده ابراز اولنان سنک اورمان اداره سی محکمه حقوقه مراجعت ایتدیره جک برماهیتده اولوب اولمادیغی آکلاشیله جق بر صورتده

اعلام تمیز بهده ذکر و اراده ایدله مش واورمان اداره سی طرفندن حکم ابتدائی به قارشو درمیان اولنان اعتراضات حقنده بیان رأی و معامله قلمامش اولسی مخالف قانون و تمیز استدعای نام سی مؤداسی شوصورتله وارد کورلمش اولمغله اعلام مذکورک نقضی طلب اولمشدر .

ایجاب کیفیت لدی المذاکره محاکم صاحبیه نظامات خصوصیه منتهاسی برسنه حبس و طقسان ایراجزای نقدی ایجاب ایدن جرائمی رؤیتیه صلاحیتدار اولوب اورمان تخریبانه متعلق مواد جرمیه دن طولای اورمان نظامنامه سی احکامنه توفیقاً تحت حکمه الهه حق مجازات نقدیه نک مقداری قطعیات و تخریباتک د جهسنه کوره طقسان لیرای تجاوز ایده بیله جکهنه نظراً مواد مذکوریه متعلق دعاوینک حل و تدقیق محاکم صلحیه نک قانون مخصوصه تحدید ایدیلن وظائفدن خارج بولمسنه نظراً میری اورمانندن بلارخصت اشجار قطع ایتدکاری ادا اولنان ابراهیم ایله رفقای حقلرنده محلی بدایت محکمه سنجه صلح صقیله ویریلان حکمک عندالاستیناف وظیفه نقطه سندن فسخیه ایشک مجرای قانونسنه ارجاعی ایجاب ایدرایکن تصدیق اولمسی یولسز و مغایر احکام قانون اولوب جهات سائر نک تدقیقه محل کوریه مه مش اولدیغندن اصول محاکمات جزائییه قانوننک اوچوز اون دردنجی و اوچوز اون طقوزنجی ماده لری منطوقنجه اعلام تمیز بهک سبب مشروحه مبنی تفضیل احکام قانونیه دائره سنده ایقای معامله اولنق اوزره اوراق متعلقه سنک محکمه مذکوریه اعاده سنه وایکی یوزغروش اعلام خرجنک تعرفه و تعلیمات مخصوصه سنه توفیقاً ایلروده حقسز چیه حق طرفدن اخذینه ۱۶ کانون اول ۳۳۰ تاریخده متفقاً قرار ویرلدی .

محکمہ تمیز استدعا دائره سنده صادر اولاره ۵ مارت سنه ۳۳۱ تاریخلی و ۳۳۰۷۲ نومردلی اعلام صورته ر:

« مدعی شخصینک قانونامین اولان مدتک مرورندن صکره اقامه ایلدیکی دعوادن فراغتی معتبر اولماسی حسبیه مصارف محاکمه کندوسندن استیفاسنک تحت حکمه آلمسی ایجاب ایدر »

کوشخانه سنجاعی بدایت محکمه سی جزا دائره سندن استینافاً تنظیم و اعطا قلنان ۲۵ شباط ۳۲۹ تاریخ وایکی یوز یمش سکز نومردلی اعلامک تمیزاً تدقیق طلبنی حاوی محکمه مذکوریه مدعی عمومیلکندن معطی استدعایه اوره متفرعه سی باش مدعی عمومیلک مأموریت علیه سندن باتبلیغنامه محکمه تمیز استدعا دائره سنه تودیع اولمش ولدی التدقیق مذکور استدعایه نک مدت قانونیه سی طرفنده ویرلدیکی آکلاشلمش اولدیغندن بالقبول تدقیقات تمیزیه اجراسنه ایتدار ایدلدی .

اعلام مذکورک خلاصه مفادی ملا مصطفی اوغلی شوقینک اوچ رأس قیوتی سرقت ایلدیکی ادعاسیله مظنون علیه کنعان اوغلی بشه نک تحدید جزاسنه دائر بدایه لاحق اولان حکمک عندالاستیناف فسخیه

سبق ایدن محاکمه و تدقیقات استینافیه نتیجه سنده مظنون علیه مرقومک فعل مذکوریه اجتناساری حقنده تأمین بخش وجدان اوله حق برکونا دلیل و اماره به دسترس اولنه مدیغندن بحثله برائته و مصارف محاکمه نک محل تحصیلنک مفقودیتیه قرار ویرلدیکی متضمندر .

تمیز لایحه سنده محکمه استینافیه جه حکم ابتدائینک فسخنی متعاقب شهادات ابتدائییه هیچ بر صورتله تغیر ایتدیکی حالده قرائت اولنق صورتیه برائت قراری ویرلمسی و سبب فسخ عد ایدیلان نقصانک اعلام استینافیه دخی تکرر ایتسی مخالف قانون اولدینی کی مصارف محاکمه نک ده مدعی شخصی به تحمیلی لازم کلورکن محل تحصیلنک مفقودیتیه قرار ویرلمسی مستلزم نقض احوالدن بولندینی بیانیه سالف الذکر اعلام استینافینک نقضی استدعا اولمش و تبلیغنامه دخی اعتراضات واقعه نک مندرجات اعلامه نظراً وارد و مستلزم نقض اسبابدن بولندینی بالیان اعلام مذکورک نقضی طلب اولمشدر .

ایجاب کیفیت لدی المذاکره محکمه استینافیه جه سرقت ماده سندن طولای مظنون علیه اولان بشه نک تحدید جزاسنی متضمن حکم ابتدائینک فسخیه سبق ایدن محاکمات و تدقیقات نتیجه سنده مرقومک فعل مذکوریه مجاسرتی امرنده تأمین وجدان ایدر دلائل و اماراتک فقدانیه مبنی برائته دائر اتخاذ اولنان قرار مصیب و تدقیقات جاریه نتایجیه موافق و محکمه مذکوریه دلائل موجوده نک تقدیر درجه قوتی اساسنه مستند اولان قرار واقعه قارشو لایحه تمیزیه ده جرمک مرتبه ثبوتده اولدیغنی متضمن سرد ایدیلان اعتراض غیروارد اولوب آنجق مدعی شخصینک قانوناً معین اولان مدتک مرورندن صکره اقامه ایلدیکی دعوادن فراغتی معتبر اولماسی حسبیه مصارف محاکمه کندوسندن استیفاسنک تحت حکمه النسی ایجاب ایدر ایکن محکمه مزبوریه مصارف مذکوریه محل تحصیلنک مفقودیتیه قرار ویرلمسی یولسز و مغایر اصول و قانون و لایحه مذکوریه بوجهته متعلق فقره سی وارد و بجا اولمغله اصول محاکمات جزائییه قانوننک اوچوز اون دردنجی و اوچوز اون طقوزنجی ماده لری احکامنه توفیقاً اعلام استینافینک یالکز مصارف محاکمه به متعلق فقره حکمیه سنک سبب مشروحه مبنی تفضیل اوراق متعلقه سنک محکمه مذکوریه اعاده سنه وایکی یوز غروش اعلام خرجنک تعرفه و تعلیمات مخصوصه سی موجبجه بالاخره ایجاب ایدن طرفندن اخذینه ۱ کانون اول ۳۳۰ تاریخده متفقاً قرار ویرلدی .

محکمہ تمیز استدعا دائره سنده صادر اولاره ۷ مارت سنه ۳۳۱ تاریخلی و ۱۸۷۰ نومردلی اعلام صورته ر:

« حقوق شخصیه دعوالبینک قابلیت استینافیه بی حائر اولوب اولمادینی دعاوی مذکوریه منشأی لان جرائمک نوع و ماهیتیه کوره تعیین و تقدیر ایدلمک مقتضی در »

خداوندکار ولایتی مجلس اداره سندن استینافاً تنظیم و اعطا قلنان ۲۸ مارت ۳۲۹ تاریخلی اعلامک تمیزنی

مستدعی ملكيه مدعی عمومیلکی ایله بکر و عبدالرحمن واحمد چاوش طرفلرندن معطی ایکی قطعه استدعانا مه واوراق متفرعه سی باش مدعی عمومیلک مأموریت علیه سندن باتلیغنامه محکمه تمیز استدعا دائره سنه تودیعی اولنمش ولدی التدقیق مذکور استدعانا مه لرك مدت قانونیه سی ظرفنده ویرلدیکی و مستدعیلردن بکر و عبدالرحمن ایله احمد چاوش طرفلرندن شرائط لازمه سائرهنك دخی ایفاقلندیغی اكلاشلمش اولدیغندن بالقبول تدقیقات تمیزیه اجراسنه ابتدار ایدلدی .

اعلام مذکورك خلاصه مفادی کوتاهییه زراعت بانق شعبه سی وزنه دارلغنده بولندیغی ائنده ذمتنه اوچ بیک التي یوز کسور غروش کچردیکی ادعا قلنان عبدالقار افندیك اجرا قلنان محاکمه سی نتیجه سنده مبلغ مذکورك مومی الیه عبدالقار افندی ایله کفلاسندن تحصیلی حقنده بدایه صادر اولان حکم علیهنده کفیل عبدالرحمن و بکر واحمد چاوش طرفلرندن معطی استیناف استدعانا مه سی اوزرینه تدقیقات لازمه بالاجرا جرمك اعلان مشروطیتدن مقدم وقوعبولسنه مبنی حقوق عمومیه جهتی کلیاً ساقط اولوب حقوق شخصییه دعواسی ایسه مبلغ محکوم بهك مقدارینه نظراً قابل استیناف مواددن بولمادیغی بیانیله اصول محاکمه حقوقیه قانوننك یوز طقسان التنجی ماده سی حکمنه توفیقاً سالف الذکر استیناف استدعانا مه سندن ردینه قرار ویرلدیکی متضمندر .

مدعی عمومینك استدعانا مه سنده حقوق عمومیه و شخصییه نك اصول محاکمات جزائییه قانوننه توفیقاً فصل وحکم اولنشی مقتضی ایکن بروجه محرر اصول محاکمه حقوقیه قانوننه توفیق حکم ایدلمش اولمسنك مغایرت قانونیه سندن و مستدعی عبدالرحمن ایله رفقاسنك تمیز استدعانا مه سنده مواد جزائییه دن متولد حقوق شخصییه دعوالرینك اصلنه تبعاً تابع استیناف اوله جنی احکام عمومیه اقتضاسندن اولدیغی حالده بوجهنك نظر تأمله التامسی یولسز اولدیغندن بختله اعلام استینافینك تقضی استدعا اولنمش و تبلیغنامه ده دخی مدعی شخصی زراعت بانق شعبه سندن درمیان ایلدیکی حقوق شخصییه دعواسی حقوق عمومیه ایله برلکده محکمه جزائییه صورتنده متشکل مجلس اداره جه تدقیق ایدلمکده اولسنه نظراً کفلانك اقامه ایلدکبری استیناف دعواسنك قبولی امرنده اصول محاکمات جزائییه احکامنه توفیق معامله ایدلمك اقتضا ایدرکن مجلس مذکورجه بروجه محرر استیناف استدعانا مه سندن ردینه قرار ویرلمسی مغایر اصول وقانون و بوجهته متدائر بولنان اعتراضات شو صورتله وارد و تقض حکمی مستلزم بولندیغی بیانیله اعلام مذکورك بوسیددن طولانی تقضی طلب قلمشدر .

ایجاب کیفیت لدی المذاکره اولباده کی عفو قانونی احکامنجه ۱۰ تموز ۳۲۴ تاریخندن مقدم ایقاع ایدیلان جرائم حقوق عمومیه نقطه سندن تعقیبات اجراسندن وارسته اولوب حقوق شخصییه ادعالرینك کافی السابق تابع تعقیبات اولدیغی کوستریله رك قانون مذکور احکامندن استننا ایدلمش و جرائمندن نشأت ایدوب حقوق عمومیه دعواسیله برلکده اقامه ایدیلان و اصول محاکمات جزائییه قانوننك اوچنچی ماده سی موجبجه محاکم جزائییه جه فصل ورؤیتی مقتضی بولنان حقوق شخصییه دعوالرینك قابلیت استینافیه یی حائر اولوب اولمادیغی

دعاوی مذکورهنك منشأی اولان جرائمك نوع و ماهیتنه کوره تعیین و تقدیر ایدلمك مقتضی بولنمش ایکن زراعت بانکه سی وارداتندن ذمتنه اچیه کچردیکی ادعا قلنان و جرم مذکورك تاریخ وقوعی اعتباریله حقنده کی حقوق عمومیه دعواسنك سقوطنه قرار ویریلن عبدالقار افندیك کفلاسی مستدعی تمیز بکر و عبدالرحمن ایله احمد چاوشك اوچ بیک التي یوز قرق سکز غروش تضمینات ایله محکومیتلرینی متضمن حکم ابتدائی علیهنده اعطا ایلدکبری استیناف استدعانا مه سندن بالقبول حقوق عمومیه دعواسیله معاً رؤیتنه ابتدار ایدلمش اولان حق شخصی دعواسنك حل و تدقیق لازم ایکن محکمه استینافیه جه صور محرره دائره سنده ایشك درجه ثانییه تدقیق لزومندن بالذحول محاکم جزائییه ده مابه تطبیق اولیان اصول محاکمه حقوقیه قانونی احکامنه توفیقاً و مبلغ محکوم بهك مقدارینه عطفاً حکم ابتدائی مذکورك قابل استیناف مقرراتدن عدم معدودیتندن بختله سالف الیان استیناف استدعانا مه سندن ردینه قرار ویرلمسی یولسز و مغایر اصول و قانون اولمغله اصول محاکمات جزائییه قانوننك اوچ یوز اون دردننجی و اوچ یوز اون طقوزنجی ماده لری احکامنه توفیقاً اعلام استینافینك بوسیددن نقضه و تشکیلات اخیره طولایسیله جهت ملکیه نك بوبابده کی حق قضاسی رفع ایدلمسنه مبنی اوراق متعلقه سندن خداوندکار ولایتی استیناف جزا محکمه سنه تودیغنه و ایکی یوز غروش اعلام خرجنك تعرفه و تعلیلات مخصوصه سی موجبجه بالاخره حقسنز حقیقه جق طرفدن اخذینه ۱۵ تشرین ثانی ۳۳۰ تاریخنده متفقاً قرار ویرلدی .

محکمہ تمیز استدعا دائره سندن صادر اولان ۹ مارت سنه ۳۳۱ تاریخنی ۳۲۶۹ نومرولی اعلام صوریتدر :

« علامت فارقه تقلیدندن متولد ضرر و زیان دعواسنی رؤیت و وظیفه دار اولان محاکم جزائییه نك علامت مذکورهنك کیفیت تصرفنه دائر احداث اولنان ادعاییه ده رؤیت و تدقیق ایتمك امرنده کی صلاحیتی آنجق ایشده داعی مجازات بر فعل و حرکتك ثبوت و تحقیقیله مشروطدر »

درسعادت استیناف محکمه سی جنجه دائره سندن تنظیم و اعطا و ۱۹ مایس ۳۳۰ تاریخنده تفهیم قلنان قراری ناطق اعلامك تمیزاً تدقیق طلب و استدعاسنی حاوی محکمه مذکورهنك مدعی عمومیلکی ایله ذاق سوریا نو وکیلی پاولا کی افندی طرفلرندن ویریلان ایکی قطعه استدعانا مه و متفرعاتی باش مدعی عمومیلک مأموریت علیه سندن باتلیغنامه محکمه تمیز استدعا دائره سنه تودیعی اولمغله لدی التدقیق مرقوم ذاق سوریا نونك شرائط تمیزیه یی ایفا ایتمدیکی اكلاشلیدیغندن مرقومك تمیز استدعانا مه سندن بر موجب تبلیغنامه ردینه و حقوق عمومیه مأموری جانبندن مدت قانونیه سی ظرفنده ویرلدیکی نمایان اولان استدعانا مه نك بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی در سعادته فندقلیان خانی تحتده وبك اوغلنده جاده کیرده کون طوغدی مغازه سی صاحبی ژاقوب شاپیرر افدینک علامت فارقه اتخاذ ایلدیکی کون طوغدی عنوانی تقلید ایلدکلی ادعا اولنان سلطان حمامنده رهبر تجارت تحافیه مغازه سی صاحبی ژاق سور یانو ومارپوچیلرده چارشولی خنده سیغاره تاجری ویتالیس افندیلرک مدعی ژاقوب افندیلرک مقدم اوله رق عنوان مذکوری استعمال ایده بیلملری حقنه اصولنه توفیقاً رخصت رسمیه استحصال ایلش ایهلرده مدعینک بیک سکر یوز سکسان سکر تاریخنده کشاد ایلدیکی تجارتخانه سی کون طوغدی نامیه تسمیه ایلسنه مبنی نام مذکورده حق تصرفی درکار بولمش و مظلون علیهمانک عنوان مذکوری هنوز استعمال ایلدکلریده طرفینک افاداندن اکلاشلمش اولدیغندن حقوق عمومیه نقطه سندن عدم مسؤلیتلینه و عنوان مذکور حقنه استحصال ایلش اولدقلی رخصتیه نك ابطاله دائر بدایه لاحق اولان حکمک عند الاستیناف تصدیقه قرار ویرلدیکنی متضمندر .

لایحه تمیزیه ده مرقومان سور یانو ویتالیسک استحصال ایلش اولدقلی رخصتیه مدعینک رخصتیه سندن مقدم اولسنه و بلا رخصت استعمال ایدیلان علامتک تسجیل ایلدکجه حق تصرف بخش ایده میه جکنه و اصولنه توفیقاً مدعینک استحصال رخصت ایلدیکی جهته مظلونله قارشو مذکور عنوانی استعمالده حق رجحانی اوله مایه جغدن و علامت فارقه تجارتخانه عنوانه تشمیل ایدیه میه جکندن دعوای واقعه علامت فارقه دعواسنی تشکیل ایده میه جکنه مبنی قرار واقع مقصد قانونه مخالف اولدیغندن بحثله تقضی استدعا اولنش و تبلیغنامه ده دخی علامت فارقه نظامنامه مخصوصنک برنجی ماده سنده برای تمیز و تخصیص معمولات و اشیانک اوزرینه وضع اولنان هر نوع اشارت و تمغا دیه تعریف ایلدش اولسنه نظراً یالکز مغازه یی تفریق و تفتید ایدن کون طوغدی عنواننک تعریفات قانونیه دائره سنده علامت فارقه دن معدود اولوب اوله مایه جغنک موضوع بحث و تدقیق قلمسی مقتضی و نظامنامه مباحث عنک ایکنجی ماده سنده صراحت وجه ایله علامت فارقه اتخاذ و استعمالده بر مجبوری قانونیه اولمایوب اصحابنک بالاختیار علامت فارقه اتخاذ ایله جکلری رسم و یا تمغا کی اشارتله ده حق تصرف مالکیتلرینک طائمی علامت مذکورده اصولنه توفیقاً قید و تسجیلنه و ایجاب ایدن رخصتیه نك استحصاله منوط اولوب تعریفات قانونیه دائره سنده معامله لازمه سی ایفا ایلدلمش بر عنوانک اوتدنبرو استعمال اولنسی صاحبنه برحق قانونی بخش ایده میه جکی بدیهی بولنش ایکن مظلون علیهمانک مدعیدن مقدم استحصال ایلش اولدینی رخصتیه نك بطالی حقنه کی قرارک احکام قانونیه نه درجه ده مطابق اولدینی نظر تدقیقه التمسزین اعلام ابتدائینک تصدیقه قرار ویرلسی مخالف قانون و لایحه تمیزیه مندرجاتی وارد کورلمش اولغله اعلام مذکورک قضی طلب اولنشد .

ایجاب کیفیت لدی المذاکره علامت فارقه نظامنامه سنک اون یدنجی ماده سی مفادینه نظراً علامت فارقه تقلیدندن متولد ضرر و زیان دعواسنی رؤیته وظیفه دار اولان محاکم جزائیه نك علامت مذکورده نك کیفیت تصرفه دائر احداث اولنان ادعای ده رؤیت و تدقیق ایتک امرنده کی صلاحیتی کندوسنه تودیع ایدیلان

دعوانک نتیجه تدقیقات و محاکمه سنده ایشده داعی مجازات بر فعل و حرکتک ثبوت و تحقیقه مشروط اولوب شو بولده بر حرکتک عدم ثبوتی حالده بو باده در میان ایدیه جک تصرف دعواسنی مستقلاً رؤیت و تدقیقه صلاحیت قانونیه سی مفقود اولسنه و درجه اولی محکمه سنجه علامت فارقه تقلیدی ماده سندن طولانی مظلون علیهما اولان ژاق ایل ویتالیسک اجرا قلنان محاکمه لری نتیجه سنده احکام نظامیه مخالف داعی مجازات بر حرکتلری ثابت کوریه مه مسنه مبنی مارالد کر شرط قانونیه توفیقاً یالکز حقوق عمومیه نقطه سندن کیفیتک قراره ربطی و تصرف دعواسندن طولانی محکمه عاده سنه مراجعتله حکم و قرار استحصال اولنسی لزومی نظر دفته التمی ایجاب ایدرکن صورت مشروحه یه توفیق معامله اولمایوب ده مذکور تصرف دعواسی حقنه دخی تجاوز وظیفه صورتیه بر منوال اتخاذ قرار اولنسی کی واقع اولان خطیاته بناءً اولباده کی اعلام ابتدائینک عند الاستیناف فسخیه ایشک مجرای قانونیه راجعی متتضی اولدینی حالده تصدیق جهته کیدلسی یولسز و مغایر احکام قانون اولدیغندن اصول محاکات جزائیه قانوننک اوچوز اون دردنچی و اوچوز اون طقوزنجی ماده لری منطوقجه اعلام میز بهک سبب مشروحه مبنی تفضیل احکام قانونیه دائره سنده ایفای معامله اولنق اوزره اوراق متعلقه سنک محکمه مذکوریه عاده سنه و تعرفه و تعلیمات مخصوصه سنه توفیقاً یوز غروش رد استدعا خرجنک ژاق سور یانودن و ایکی یوز غروش اعلام خرجنک دخی بالاخره ایجاب ایدن طرفدن اخذینه ۲۲ کانون نانی ۳۳۰ تاریخنده متفقاً قرار ویرلدی .

حکم تمیز استدعا دائره سنده صادر اولده ۱۰مارت ۳۳۱ تاریخ و ۳۲۴۸ نومرولی اعلام صورتیدر:

«چاق توتونلرک هر بر کیلو ویا کسورانی ایچون آله جق جزای نقدیلر حقنه»

قره حصار شرقی سنجاغی بدایت محکمه سی جزا دائره سندن تنظیم و اعطا قلنان ۱۳ تموز ۱۳۳۰ تاریخ و سکسان نومرولی اعلامک تمیزاً تدقیقی مستدعی محلی رژی اداره سی جانبندن معطی استدعایه ایله اوراق متفرعه سی باش مدعی عمومیلک اُموریت علیه سندن تبلیغنامه محکمه تمیز استدعا دائره سنه تودیع اولنش ولدی التدقیق مذکور استدعایه نك مدت قانونیه سی ظرفنده اعطا قلندینی آکلاشلمش اولدیغندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصه مالی یدنده ایکوز اون درهم قچاق توتون دردست ایدلدیکی ادعاسیله مظلون علیه اولان حاجی ابقارک اجرا قلنان محاکمه سی نتیجه سنده مرقومندن مصادره ایدیلان سالف الد کر توتونک مقداری اعتباریه بوندن طولانی جزای نقدی اخذینه محل اولیوب یالکز مذکور توتونک مصادره سیله اکتفا اولنسنه قرار ویرلدیکنی متضمندر .

لایحه تمیزیده رزی نظامنامه سنک برق النجی ماده سنده هر برکیلو ویا کسوری ایچون جزای تقدی
النه جفی مصرح اولدیغی حالده محکمه محلیه جه بوراسی نظر دقته آلمق سزین بروجه محرر اتخاذ قرار اولنسی
مخالف قانون ایدوکندن بختله اعلام مذکورک تقضی استندا قلندیغی کی تبلیغنامه ده دخی مذکور لایحه ده
سرد ایدیلان عتراض مذکور ماده مندرجانه نظراً بجا بولندیغی بیانیله قرار مذکورک تقضی طلب اولمشدر.
ایجاب کیفیت لدی الماکره انحصار دخان قانونک قرق آلمق ماده سنده قاق توتونلرک هر برکیلو
ویا کسوراتی ایچون بر عدد عثمانلی التونی استیفاسی کوسترلمش و کسوراتی مافوقه تخصیص ایدر بر قید موجود
بولنامسنه نظراً محکمه محلیه جه مظنون علیه ابقاردن مصادره ایدیلان ایکوز اون درهم توتونک مقداری
اعتباریله بوندن طولای جزای تقدی اخذینه محل اولدیغی بیانیله یالکز مذکور توتونک مصادره سنه حکم
اولنسی تبلیغنامه ده مرقم اولدیغی وجه ایله یولسز و مغایر احکام قانون اولدیغندن اصول محاکمات جزائی
قانوننک اوچوز اون دردنچی و اوچوز اون طقوزنجی ماده لری منطوقنجه اعلام میزبهک بوسیدن تفصیله
احکام قانونیه دائره سنده ایفای معامله اولنق اوزره اوراق دعوانک محله اعاده سنه و ایکوز غروش اعلام
خرچنک تعرفه و تعلیمات مخصوصه سی موجبنجه ایلروده حق سز چیقان طرفدن استیفاسنه ۱۵ کانون اول ۱۳۳۰
تاریخنده متفقاً قرار ویرلدی.



مندرجات

۵ مایس — ۱۳۳۱

قسم رسمی

صحیفہ
نومروری

۶۷۵۱	۳۳۱	۱۳ نیشان	(۱) —	توجہات عدلیہ
۶۷۵۲	»	» ۱۹	(۲)	»
۶۷۵۳	۳۳۱	۵ مارت	(۱) —	محکمہ نمینر اہیت عمومی مقرانی
				محکمہ طرفندن منصوب حکملرک قبل الحکم عزلہ داثر
۶۷۵۴	۳۳۰	۱۷ کانون اول	(۱) —	محکمہ نمینر حقوق دارہ سی مقرانی
				اورمانلرہ داثر
۶۷۵۵	۳۳۱	۱۷ شباط	(۲)	غیر منتظم جیرو قبضہ وکالت قیلندندر
۶۷۵۷	۳۳۱	۴ مارت	(۳)	اقرار ایلہ مرور زمان مرتفعدر
۶۷۵۸	۳۳۱	۱۱ نیشان	(۴)	مدعی بیی طویدیقی مجلسدہ طلب مواثبہ ایلہ دیکنی اثباتہ مجبوردر

- محکمہ تمیز استعداده سی مقرانی — (۱) معترض علی الحکمک حبسنه قرار ویرلمک
مخالف اصولدر ۱۵ کانون اول ۳۳۰ ۶۷۶۰
- (۲) خارج از وظیفه رؤیت ایدیلین دعوا
اعلامنک فسخی لازمدر ۲۴ » » ۶۷۶۱
- (۳) تصرف دعواسندن دولای محکمہ عائدہ سندن
حکم استحصالی لازمدر ۲۲ کافی نانی ۳۳۰ ۶۷۶۲
- (۴) سرقت موصوفه نك تحقیقاتی مستنطقلك
صلاحیتی داخلندہ در ۱۲ شباط ۳۳۰ ۶۷۶۴
- محکمہ تمیز جزا داره سی مقرانی — (۱) راپورک قطعی المفاد اولماسی ورمیلرک
نوعنک تدقیق ایدله سی مخالف قانوندر ۱۲ نیسان ۳۳۱ ۶۷۶۵
- (۲) سن متهمک نظر اعتبارہ آلتماسی مخالف
قانوندر ۲۳ » » ۶۷۶۶
- (۳) راپور صریح اولمادیفندن اطبادن استیضاح
ایله حکم اعطاسی لازمدر ۲۵ » » ۶۷۶۷
- (۴) اسباب مخففہ تقدیریه نك قرار مجرمیتده
موضوع بحث ایدله سی مخالف قانوندر ۲۷ » » ۶۷۶۹
- (۵) وقوعی تأیید ایدله سین اقرار سبب حکم اوله ماز ۲۷ » » ۶۷۷۰
- (۶) متهمک زمان تولدینی تصریح اتمه بن مجلس
اداره مضبطه سی اوزرینه تعیین اجزا مخالف
قانوندر ۲۸ » » ۶۷۷۱
- (۷) قتل قصدنک وجود یا عدمی تعیین ایدله دن
توصیف جرم ایله تعیین جزا مخالف قانوندر ۲۸ » » ۶۷۷۲
- (۸) جنحه محکومیتنک اکالیله حبسندن چیقلمش
اولسی محکومک جلیله یکیدن اجرای
محاکمه سنه مانع دکدر ۲۸ » » ۶۷۷۲